

## Pengenalan

# MENTERI-MENTERI NEGARA PERSATUAN INDONESIA

Kita telah berjanji akan menyambung tawarikh hidup ahli-ahli Jemaah Menteri Indonesia Syarikat tetapi berhubung dengan berdirinya negara persatuan maka di sini kita siarkan ahli-ahli Jemaah Menteri Mohammad Natsir yang ditubuhkan pada 6 September yang lalu ahli-ahli sebagai Jemaah menteri yang pertama bagi Republik Indonesia yang penuh berdaulat itu. Mana-mana riwayat ahli-ahlinya yang telah tersiar di dalam majalah Qalam bilangan yang kedua maka riwayat hidupnya di sini tidak kita siarkan lagi.

Jemaah menteri Mohammad Natsir ini ditubuhkan dengan suatu kesulitan oleh kerana terbit pertentangan faham di antara Partai Nasional Indonesia yang kedua besarnya di Indonesia itu. Daripada perselisihan itu di dalam Jemaah Menteri Natsir ini tidak ada seorangpun di dalamnya orang-orang Partai Nasional. Di dalam Jemaah menteri ini mengandungi 18 orang menteri-menteri iaitu Mohammad Natsir, Perdana Menteri (Masyumi), Sultan Hamengku Buwono Naib Perdana Menteri (riwayatnya telah disiarkan), Dr. Mohammad Roem Menteri Luar (Masyumi), Dr. Assaad Menteri Dalam, Dr. Shafruddin Prawira Negara Menteri Kewangan (riwayatnya telah disiarkan), Dr. A Halim Menteri Pertahanan, Dr. Sumitro Joyo Hadikusumo Menteri Perniagaan dan Perusahaan, Dr. Manu Menteri Tanaman, Ir. Djuanda Menteri Perhubungan (riwayatnya telah disiarkan), Dr. Johannes Menteri Kerja Raya, Radin Panji Suroso Menteri Buruh, Dr. Haryadi Menteri Sosial, Tuan Pellaupessy Menteri Maklumat, Dr. Bahder Djohan Menteri Pelajaran dan Kebudayaan, Dr. Leimena Menteri Kesihatan, Dr Wongso Negoro Menteri Kehakiman, Kiai Wahid Hasyim Menteri

Agama dan Harsono Tjokroaminoto Menteri yang tidak bertauliah.

### Mohammad Natsir



Perdana Menteri yang baharu Mohammad Natsir gelar Dato Siuru panjang yang gambaran menjadi perhiasan hadapan bilangan kita menyambut Hari Raya ini ialah seorang ketua

pertubuhan agama yang besar sekali di Indonesia (Masyumi) yang terkenal sebagai penganjur yang ikhlas dan berpengaruh di dalam golongan orang-orang Islam di sana. Sifatnya tenang dan merendahkan diri serta sedikit berkata tetapi banyak bekerja. Ia diperanakan di Alahan Panjang di Sumatera Barat pada 7 Januari 1908. Setelah menamatkan pelajarannya di sekolah rendah ia mengambil bahagian menjadi guru yang kemudiannya pada tahun 1932 menjadi Direktor Pendidikan Islam di Bandung yang terkenal itu.

Dalam masa pendudukan Jepun ia memegang sebagai Ketua Jabatan Pelajaran di Bandung dan bersamaan dengan masa itu ia menjadi Ketua di dalam "MI" (Majlis Islam A'la Indonesia cawangan Bandung.

Sesudah isytihar kemerdekaan pada 17 Ogos 1945 maka

ia dijadikan pegawai Univerisiti Islam di Jakarta.

Dalam bulan November 1945 ia telah mewakili Masyumi di dalam Jawatankuasa Kerja Pusat Kebangsaan Republik Indonesia yang kemudiannya ia menjadi Naib Pengerusi. Pada 5 Januari 1946 dalam Jemaah Menteri Amir Syafruddin ia telah menjadi Menteri Penerangan sehingga berturut-turut kepada Jemaah Menteri Sjahrir yang ketiga di dalam jawatan itu pada bulan Oktober 1946.

Apabila berdiri Jemaah Menteri RIS maka Mohammad Natsir telah diminta oleh Presiden Sukarno berkali-kali memegang salah satu jawatan di dalam Jemaah menteri itu tetapi Mohammad Natsir telah menolak oleh kerana ia berniat hendak menumpukan perhatiannya semata-mata di atas usahanya bagi membentuk semula perjalanan Masyumi. Ia di dalam pihak Masyumi adalah dipandang sebagai penganjur yang ikhlas.

#### Menteri Luar

Menteri Luar yang pertama bagi Republik Indonesia ini ialah Mr. Mohammad Roem yang telah mengambil bahagian yang utama di dalam penyelesaian di antara orang-orang Belanda dengan orang-orang



Indonesia yang dimulai daripada rundingan yang baik dalam bulan Mei 1949 yang terkenal dengan nama rundingan Roem-van Roijen yang ditamatkan dengan suatu persidangan meja bundar di antara orang-orang Indonesia dan Belanda di Holland yang berkesudahan dengan adanya suatu perjanjian bagi menyerahkan kedaulatan Indonesia iaitu yang dengannya berdirilah

Republik Indonesia Syarikat. Dengan ini maka Mr. Roem dilantik sebagai Pesuruhjaya Tinggi Indonesia di Holland sehingga kepada masa ia dilantik menjadi Menteri Luar Republik Indonesia. Ia berumur 42 tahun dan ia diperanakkan di Parakan (Madyun).

Setelah lulus di dalam Ilmu Undang-undang pada tahun 1938 maka ia kemudiannya menjadi lawyer di Jakarta. Ia adalah anggota Masyumi yang berpengaruh dan namanya timbul dan wangi ialah dalam masa rundingan yang berjaya itu. Mr Mohammad Roem memasuki medan siasah dalam tahun 1946 dalam masa ia menjadi Jawatankuasa Kerja Pusat Kebangsaan Republik Indonesia.

#### Menteri Dalam Negeri



Menteri Dalam Negeri Republik Indonesia yang baharu Mr. Assaat gelar Dato Muda dizahirkan pada 18 September 1904 di Bukit Tinggi. Hingga terbentuknya negara persatuan

ia menjadi pemangku Presiden Republik Indonesia. Ia tidak masuk mana-mana parti tetapi dahulu sebelum Parti Sosial pecah ia di dalamnya dan apabila timbul pula Parti Sosial Indonesia ia meninggalkan parti-parti yang tersebut. Semenjak tahun 1945 ketika Sjahrir menjawat jawatan menteri dan sebagai ketua badan B PKNP (Badan Pekerja Komite Nasional Pusat) kedudukannya diganti oleh Mr. Assaat seterusnya sehingga ia menjadi pemangku presiden.

Mr. Assaat setelah lulus di dalam MAS (sekolah pertengahan) maka ia meneruskan pelajarannya ke Sekolah Hakim Tinggi kemudian masuk ke dalam Universiti Leiden di Holland sehingga berkelulusan dalam Ilmu Hukum.

#### Menteri Pelajaran

Menteri Pelajaran,

Pendidikan dan  
Kebudayaan Negara  
Kesatuan ialah

Dr Bahder Djohan

Zahir pada 20 Julai

1902 di Padang. Ia

lulus dalam Kolej

Doktor di Jakarta pada

tahun 1927 dan

kemudian bekerja di rumah sakit Jakarta dan di Semarang.

Beberapa bulan yang lalu ia menjadi anggota rombongan

Indonesia ke persidangan Inter Cruise di Geneva.



#### Menteri Kehakiman

Menteri Kehakiman

Mr. Wongsonegoro

zahir pada 20 April

1897 di Solo

ia memegang jawatan

yang akhir sekali

kepada Setiausaha

Agong Kementerian

Dalam Negeri

Republik Syarikat.



Sebelum menjawat jawatan Menteri Dalam, dalam Jemaah Menteri Sjahrir ia menjadi Gabenor Republik Indonesia di Jawa Tengah. Dalam perundingan-perundingan Indonesia-Belanda dalam tahun 1949 ia menjadi ketua pusat kesatuan Central Joint Board bagi pihak Indonesia.

#### Menteri Pertahanan

Dr A Halim yang

menjadi Perdana

Menteri dalam

Republik Indonesia

(Jogja) sekarang

ini adalah menjadi

Menteri Pertahanan.

Ia tidak masuk

mana-mana parti ia

dizahirkan di Bukit

Tinggi pada 27 September 1911. Sebelum menjawat jawatan Perdana

Menteri Republik Indonesia ia menjadi anggota Badan

Nasional Pusat dan kemudian menjadi anggota badan pekerja

Partai Nasional Pusat sehingga menjadi Perdana Menteri pada

tahun 1950. Di dalam badan Pekerja Nasional Pusat ia

menjadi anggota bahagian luar negeri dan penerangan.

Dalam masa akhir Jemaah Menteri Sjahrir iaitu sebelum

langkah Belanda yang pertama ia diangkat menjadi

Pesuruhjaya Pemerintah Republik Indonesia di Jakarta

bagi menyelesaikan hal ehwal kewangan Republik

Indonesia.

(Sambungan pada muka 27)



(Sambungan daripada muka 22)

### Menteri Pertahanan

Menteri Pertahanan

Mr. Tandiono Manu  
zahir pada 28 Julai  
1918 di Bunga Wangi.  
Ia adalah daripada  
barisan tani  
Indonesia dan  
menjadi anggota  
Dewan Pusat Partai  
Sosialis



Indonesia. Jawatan yang akhir sekali dipegangnya ialah  
menjadi Menteri Pemiagaan dan Perusahaan Republik  
Indonesia. Setelah lulus dalam Sekolah Pertengahan Bandung ia  
meneruskan pelajarannya di Sekolah Tinggi Jakarta. Pada permulaan  
bulan April 1947 ia menjadi Residen Bujunguru  
hingga 31 Disember 1949. 1 Januari 1950 ia menjadi  
wakil Gabenor Jawa Timur dan kemudian ia diangkat menjadi  
Menteri Pemiagaan dan Keusahawanan Republik Indonesia.

### Menteri Buruh

Radin Panji

Suroso Menteri  
Buruh dizahirkan  
pada 3 November 1883  
di Purung Timur.  
Jawatan yang akhir  
sekali ialah  
menjadi anggota  
Dewan Perwakilan  
Republik  
Indonesia. Sebelum perang



ia menjadi anggota Pengurus

Besar Perbandara, anggota Dewan Rakyat dan anggota Dewan  
Jawa Timur. Sebelum menjadi anggota Dewan Perwakilan  
Republik ia menjadi Gabenor dan diperbentukkan ke dalam  
Kementrian Dalam Negeri Republik Indonesia di Jogja.

### Menteri Sosial

Menteri Sosial

Tuan A S  
Hariyadi di zahir  
pada 25 Disember  
1889 di Madyun  
ia adalah dari  
Pertubuhan Partai  
Katholik. Lulus  
Dalam Sekolah  
Perguruan dalam  
tahun 1920 dan kemudian mendapat darjah dalam bahagian  
guru di Bandung 1932 semenjak dari tahun 1920  
sehingga masa yang akhir maka ia meneruskan usahanya dalam  
perguruan terutamanya dalam perguruan Roman Katholik.



### Menteri Negara

Menteri Negara

Tuan Harsono  
Tjokroaminoto  
anakanda kepada  
Almarhum Tuan  
Haji Amar Said  
Tjokroaminoto  
dizahirkan pada 24  
April 1922  
di Geludok Makitan



(Jawa Timur). Ia menjadi anggota Partai Syarikat Islam Indonesia yang diasaskan oleh ayahandanya. Sebelum perang ia menjadi anggota Lajnah Tanfiziah pertubuhan itu. Dalam Jemaah Menteri Amir Syafruddin ia memegang jawatan Menteri Pertahanan

#### Menteri Perniagaan dan Perusahaan

Dr Sumitro

Joyohadikusumo  
Menteri Perniagaan dan  
Perusahaan Indonesia  
dizahirkan pada  
tahun 1918 putera  
kepada Tuan Marku  
Joyohadikusumo  
Direktor Bank  
Negara Indonesia.



Ia anggota Partai Sosialis Indonesia. Jawatannya yang akhir sekali sebelum menjawat jawatan ini ialah penasihat kepada Menteri Kemakmuran. Baharu-baharu ini pemerintah RIS (Republik Indonesia Syarikat) telah mencadangkan supaya ia dilantik menjadi anggota Jawa Bingak tetapi ia menolak. Ia lulus di dalam gelaran Doktor dalam Ekonomi di Rotrem (Holland) di dalam masa negeri itu diduduki oleh Jerman. Pada tahun 1946 ia balik ke Indonesia dan tidak lama kemudian ia menjawat jawatan sebagai ketua daripada 'Banking Trading Company'. Beberapa lamanya sebelum langkah tentera yang pertama Dr. Sumitro berangkat ke Amerika Syarikat bagi mengadakan perhubungan perniagaan di antara Indonesia dengan Amerika Syarikat. Kemudian Dr. Sumitro diangkat menjadi wakil perniagaan Indonesia di New York (Amerika). Selama persidangan meja bundar ia diangkat menjadi anggota rombongan ekonomi dan kewangan.

#### Menteri Penerangan

Tuan MA

Pellaupessy Menteri  
Penerangan yang baharu

Ini dizahirkan  
di Ambon pada tahun  
1906. Jawatan

yang akhir sekali  
dipegangnya ialah  
sebagai anggota

Parlimen Negara Kesatuan dan sebelum daripada itu ia Menjadi Ketua Senat. Ia adalah anggota Partai Demokrat. Ia menjadi juga anggota Dewan Pesuruhjaya Jawa Bank. Sesudah perang ia menjawat jawatan sebagai Setiausaha Resident di Makassar. Pada tahun 1948 ia diangkat sebagai Ketua daerah Resident Maluku Selatan daripada pemerintah Indonesia Timur iaitu ketika diadakan susunan baharu dalam pembahagian daerah Indonesia Timur itu.

Dalam tahun 1947 ia diangkat menjadi wakil ketua Rombongan pemerintah Belanda di dalam persidangan perniagaan di Havana dan dalam masa diadakan persidangan meja bundar di Holland ia menjadi anggota rombongan Federal.

#### Menteri Agama

Menteri Agama

Republik Indonesia  
Ialah Tuan Haji

Abdul Wahid Hasyim  
anakanda kepada Kiai  
Hasyim pengasas  
Nahdatul Ulama itu  
dizahirkan pada 12  
Februari 1905

di Jombang. Ia mendapat



didikan di sekolah agama. 1937 ia menjadi penulis kepada Nahdatul Ulama di Cukir dan pada tahun 1938 ia menjadi Ketua Nahdatul Ulama Jombang. Pada tahun 1939 menjadi ketua Nahdatul Ulama Surabaya. 1940 menjadi ketua Majlis Islam al-A'la Indonesia (MI). Sekarang ia menjadi anggota Dewan Pimpinan Masyumi. Dalam Jemaah Menteri pertama Indonesia Syarikat Wahid Hasyim pernah menjadi Menteri Agama.

### Menteri Kesihatan

Menteri Kesihatan bagi Republik Indonesia Dr Johannes Leimena dizahirkan di Ambon pada bulan Mac tahun 1905. Setelah tamat sekolah rendah dan MLO ia masuk ke Kolej



Doktor di Stovia tahun 1922 dan 8 tahun kemudian, 1930, ia telah lulus menjadi tabib dan pada tahun 1939 ia mendapat kelulusan Doktor dalam ilmu tabib. 1930-31 ia bekerja di Rumah Sakit Besar di Jakarta dan 1931-41 ia bekerja di rumah sakit di Bandung. Dalam masa pemerintahan Jepun ia menjadi ketua dalam "Bayuwasih" di Puruwakartu.

Apabila berdiri Republik yang kedua dan yang ketiga ia menjadi wakil Menteri Kesihatan. Dalam Jemaah Menteri Syarifuddin ia menjadi Menteri Kesihatan dan demikian juga dalam Jemaah Menteri Hatta (1948) jawatan itu dipegangnya. Semenjak daripada zaman Rinbil Dr Leimena mengambil bahagian yang mustahak dalam urusan tentera. Apabila berlaku persidangan meja bulat dahulu ia menjadi ketua wakil bagi tentera Republik. Dr Leimena ialah salah seorang daripada

pengasas pertubuhan Pemuda Maluku dan sekarang menjadi anggota Para Kindur. Di dalam RIS ia menjadi Menteri Kesihatan dan dilantik semula dalam Menteri Negara Persatuan ini.

---

### Hal Ehwal Dunia

## APA ADA DALAM CITA-CITA KEAMANAN DUNIA

(Oleh Anak Negeri)

Kebanyakan daripada mereka-mereka yang hidup hari ini telah merasai penanggungan-penanggungan atau kesan-kesan yang terbit daripada peperangan Dunia yang pertama dan yang kedua dan orang-orang kita di Semenanjung Tanah Melayu ini yang dahulunya tidak pernah merasai pahit maungnya peperangan yang pertama itu telah menderita dalam peperangan yang kedua dan telah merasai kepahitan-kepahitan kedudukan Jepun yang mempunyai sifat melanggar atau dengan ringkasnya mempunyai sifat Fascist yang di dalamnya kita merasa betapa sakitnya duduk di bawah suatu kuasa seperti itu, dan betapa payahnya kita hidup di dalam masa peperangan yang moden ini yang menjadikan kita setiap sangat terasa seakan-akan hendak masuk ke perut ibu, keamanan kita terganggu, kesejahteraan kita terkacau dan kita sentiasa teringat kepada ketakutan anak-anak melihat serangan-serangan udara yang hebat dan ganas sama ada datangnya dari pihak musuh ataupun datangnya dari pihak kita sendiri yang menyerang balas untuk mengambil semula kekuasaan di negeri ini.

Dengan merasai penderitaan yang demikian itu maka rasanya tidak ada seorang pun yang hidup di dalam dunia ini yang tidak menyukai kepada keamanan, dan tidak ada seorang pun daripada mereka itu yang tidak ingin hidup aman dan sejahtera terjauh daripada bala bencana peperangan yang pada suatu masa jika berlaku menjadikan nyawa dan kedudukan serta keselamatan kita bak telur di hujung tanduk – setiap saat terancam dan terganggu terutamanya sebagai kedudukan kita di Semenanjung Tanah Melayu ini tentulah kita sebagai orang